



## KENYATAAN MEDIA

### UNTUK SIARAN SEGERA

#### PELAKSANAAN PELANJUTAN PENANGGUHAN BAYARAN BALIK PINJAMAN PTPTN AKIBAT COVID-19

1. Perbadanan Tabung Pendidikan Tinggi Nasional (PTPTN) merakamkan ucapan terima kasih kepada Kerajaan dan menyambut baik inisiatif pelanjutan tempoh penangguhan bayaran balik pinjaman (COVID-19) yang diberikan kepada peminjam PTPTN yang layak selama tiga (3) bulan lagi sebagaimana yang telah diumumkan oleh YB Datuk Seri Dr. Noraini Ahmad, Menteri Pengajian Tinggi pada 1 Januari 2021 yang lalu.
2. Melalui pengumuman tersebut, PTPTN sebagai agensi di bawah Kementerian Pengajian Tinggi (KPT) komited memastikan inisiatif ini dilaksanakan dengan baik demi kebajikan peminjam. Pelaksanaan pelanjutan penangguhan bayaran balik pinjaman PTPTN (COVID-19) ini adalah seperti berikut:
  - a) Peminjam yang layak adalah peminjam yang kehilangan pendapatan (diberhentikan pekerjaan) dan yang terjejas pendapatan (pendapatan berkurangan).
  - b) Peminjam perlu mengemukakan permohonan melalui portal rasmi PTPTN di [www.ptptn.gov.my/PelanjutanBayaranBalikCovid19](http://www.ptptn.gov.my/PelanjutanBayaranBalikCovid19) **mulai 5 Januari 2021 sehingga 31 Mac 2021**. Tiada sebarang dokumen sokongan diperlukan semasa permohonan.
  - c) Pelanjutan penangguhan bayaran balik pinjaman PTPTN untuk tempoh tiga (3) bulan akan **bermula pada bulan yang sama dengan kelulusan permohonan yang diberikan PTPTN dan dua (2) bulan ke hadapan** di antara Januari hingga Mei 2021.
  - d) Kelulusan penangguhan akan dimaklumkan kepada peminjam melalui e-mel yang dikemukakan dalam tempoh tiga (3) hari bekerja dari tarikh peminjam mengemukakan permohonan.
3. Peminjam adalah diingatkan untuk mengemaskini maklumat perhubungan yang tepat dan terkini bagi memastikan maklumat berkenaan kelulusan permohonan pelanjutan dapat disampaikan kepada mereka.

4. Mereka yang tidak terkesan boleh meneruskan pembayaran balik pinjaman melalui saluran yang disediakan. PTPTN mengucapkan terima kasih serta merakamkan penghargaan kepada semua peminjam yang membuat bayaran balik pinjaman demi kelangsungan pembentukan PTPTN kepada pelajar lain pada masa akan datang.
5. Pelanjutan tempoh penangguhan bayaran balik pinjaman ini menunjukkan Kerajaan amat prihatin dan peka terhadap kekangan kewangan yang dihadapi oleh peminjam PTPTN. Diharapkan inisiatif ini dapat membantu meringankan beban yang ditanggung oleh peminjam yang terkesan akibat pandemik yang melanda.
6. Untuk maklumat dan pertanyaan lanjut, peminjam boleh menghubungi *Careline* PTPTN melalui talian di 03 - 2193 3000 yang beroperasi pada hari Isnin hingga Jumaat, jam 9.00 pagi hingga 5.00 petang atau melayari portal rasmi [www.ptptn.gov.my](http://www.ptptn.gov.my) di ruangan Soalan Lazim.

**Ahmad Dasuki Abdul Majid  
Ketua Eksekutif  
Perbadanan Tabung Pendidikan Tinggi Nasional (PTPTN)  
4 Januari 2021**